



10 000 Euro fir d'Amicale vum Maacher Foyer Pietert

Viru kuerzem war am Gréiwmaacher „Foyer Pietert“ eng sympathesch Feierstonn, bei där Jonker vun enger 12^e technique aus dem Lycée vun Iechternach e Scheck iwver 10 000 Euro un d'Präsidentin vun der „Amicale Foyer Pietert“, Muschi Silbereisen, iwverreecht hunn. Am Kader vum Schoulprojet 2005 hatten dës Klass a ganz besonnesch d'Josiane Bartz, den David Bauler, d'Yana Frantzen an d'Anne

Petry mat hirem Professor Jean-Claude Zeien derfir optéiert, fir déi behénntert Matmënschen aus dem Maacher Foyer Pietert ze ënnerstëtzen.

Zu Berbuerg hu si e Bal fir Jonker organiséiert, deen e groussen Erfolleg gi sollt. Net nëmmen d'Präsidentin vun der Amicale, mä och déi genannt Schülerinnen a Schüler an hire Professor waren zesumme mam „Chargé de direction“ vum Maa-

cher Foyer Pietert, Claude Geimer, mat Comitésmembere vun der Amicale, mat behénnterten Awunner an hirem Personal derbäi, wéi de Scheck iwverreecht gouf. D'Geld ass ë. a. geduecht fir flott Gaardemiwwele fir d'Bevunner vum Foyer Pietert ze kafen an d'Präsidentin huet där sympathescher Equipe vun der 12^e technique vun Iechternach nach e ganz hærzleche Merci gesot.

(Text: m.h. / Photo: Luss Schiltz)